


湖南苗防屯政考

卷之三



湖南苗防屯政考卷六

二品銜前署湖南辰永沅靖道但湘良纂

均屯二

稟辦均田屯守酌議章程三十四條並清摺

嘉慶五年

鳳凰傳
同知
鼐

敬稟者、竊照卑廳上下五崗十一約地方、原係土司所轄、康熙年間始改土歸流、逼近苗巢、並非苗地、乾隆六十年苗變之後、所有各約民村、盡被苗人佔據、雖經廓清恢復、招集民戶、修立堡堡、給發鎗械口糧牛具籽種、暫令通力合作、而匪苗仍復阻耕奪牛、焚掠不已、遂於各要隘地方安設碉卡哨臺、嚴密防維、難民始得安

居復業、竊以

國家經費有常、畱防兵勇、勢難久駐、一經裁撤、則碉卡空虛、苗匪仍可肆志、因諭令該士民等早爲酌籌、必須自相爲守、嘉慶四年五月內、該士民等以兵燹之後、民弱苗強、匪徒時懷侵擾之心、惟恃此沿邊碉卡緊嚴、以爲保障、將來撤防、匪苗又復出而蹂躪、不惟田地仍爲苗有、卽身家墳墓亦皆不保、並致波及後路、遺害無窮、此時通力合作、在田少丁多之戶、固無不樂從、而田多丁少之家、則未免觖望、是以公同定議、情願將各戶所有田畝、每戶除每男二丁畱養口田種三斗、女一口畱養口田種一斗外、其餘之產再畱十分之三、均出十分之七、以爲養勇守邊、永遠防維之計、此上

五崗七約均田之原委也、其下五崗四約內相近麻瀘之溪口麻
良二約亦係照上五崗辦理惟貼近苗寨之都吾務頭二約田地
盡被前右二營花黑等苗強佔結寨居住抗不遷移所安民至屢
被攻燬不惟不容民戶歸復並赴後路縱掠愈侵愈遠卽沿邊營
汛皆有難以存立之勢該民戶等知該處苗情最爲兗橫萬難復
業並知此一路所安碉卡哨臺較之南路增至數倍需人更多田
少豈敷分給是以情願將所有該二約田地全行呈出充公此下
五崗溪口等約田畝照例均出而都吾等二約田畝盡行歸公之
原委也卑職反覆籌思苗疆久安長治之策舍此實無他圖查各
該約民戶前次突遭苗害多被夷傷地畝荒蕪耕耘難徧且苗疆

錢糧甚少、多係將無糧山地開墾成田、當此之時、本應清查辦理、今該士民等深知事勢、各思保護身家、不敢自私已業、自應如其所請、此舉上五嵒七約及下五嵒溪口麻良二約、富戶出地、貧戶出丁、貧民獲有棲耕之所、富民資其捍衛之功、誠彼此相需、兩有所益、下五嵒之都吾務頭二約、其地近接強苗、屢得屢失、民戶斷難存立、現在雖將地畝全行歸公屯守、而各碉卡哨臺內所駐丁勇、多係該二約民人、是名爲充公、實則仍係伊等屯種、在民戶所捐者少、所益者多、而永資捍患、實爲苗疆要務、其各營兵丁田產、似與民業不同、本欲另爲酌辦、富鎮臺以禦侮安邊、兵民一體、不便稍有歧異、且必使兵民輯睦、方可眾志成城、其在大漢等九

約者令與民人一律均出其在都吾等二約者亦皆充公以歸

卑職

傳集各約士民等於公所復加妥議並具各結存案一面

令其將均出呈出各處地畝分約分團查造地址清冊因此閒田

地只論籽種若干不知頃畝之數今會同署永州府通判候補理

問姚興潔陞任宜章營參將王文遷逐一丈量照漕尺弓步折算

現計可得田地二萬畝惟是沿邊一帶計長二百餘里連裏圍各

路共有碉卡哨臺八百餘座除本營兵丁分駐外現有畱防外營

官兵二千五百餘名鄉勇三千六百餘名又有貼防丁勇四千九

百餘名共一萬一千餘人將來撤防之後再除鎮算新添兵八百

名頂駐外其碉卡哨臺尙多極少亦必須五千人方敷分守而匪

苗狡悍時復窺邊並需另選精銳備戰勇士一千名以資援應共
需勇士六千名內有總散行營督陣大小旗等名目每名給地四
五六七畝不等計需地二萬八千餘畝現在所有田地甫及三分
之二僅敷分給四千餘人再得田地八千餘畝沿邊戰守各丁方
可一律屯種卑職惟有設法辦理以副憲懷再每歲應需子藥
及遇警動堵截追擒需用行糧鹽菜恤賞及專司經理辦事出力
之總頭領及帶傷廢殘之勇士陣亡之子弟亦須各給田畝以資
養贍必當另設公田六七千畝方敷辦理急切殊難計及只可隨
時設法稟請示遵現在稟商本道會同委員就所有田地先行
逐處劃分撥給各勇士並籌給牛具籽種令其乘時翻犁以備春

耕如果明歲豐收足食即可次第減撤防兵以節糜費除俟辦理
完竣再行造冊專案具詳外合將分田屯守一切事宜逐條酌議
章程開具清摺稟呈鈞案恭請訓示遵行所有辦理緣由伏
乞憲臺察核先行入奏實爲公便

謹酌議章程三十四條

計開

一、上五崗大汊木林都羅治牙都同黃羅水田七約下五崗溪口
麻良二約及本城應均田地各民戶每男一丁畱養口田種三斗
女一口畱養口田種一斗其餘之田再畱十分之三均出十分之
七各該戶實有田地若干分別畱養口存三分之外將所有應均

田地著落總散至頭保甲人等按約按團將坐落地名坵段種數
開造清冊呈送以憑查丈如內有隱瞞不報及詭名寄托並聞知
均田私行當賣與苗人及隔屬民人等弊續後查出仍將田畝全
行充公

二、下五崗都吾務頭二約田地全行歸公亦著落總散行營及至
頭保甲查明坐落地名坵段種數造冊呈送如有遺漏隱寄等弊
將來查出除將田畝充公外將該行營等重究

三、禦侮守邊兵民一體本城及大漢等九約內所有兵產亦照民
戶之例除養口存三外俱行均出其在都吾務頭二約者亦概行
充公以昭畫一兵丁如有革退願歸碉卡者亦聽其便將來歸丁

缺出兵丁子弟亦與民人一例頂補但兵丁各有汛守日日差操
不能如民人尙可別圖生計如有田在都吾等約均已充公而該
丁又無子弟歸碉領田者每名准於後路撥還田種之三聽其標
種收租以資貼補

一、民人有田產當給苗人者，概經廳員備價贖回充公業戶不得
再行理贖各戶均出田畝內有重典重當者俱已隨時查明斷結
嗣後如有復行呈契認產者概不准理均行責逐

一、各戶概將田地均出呈出所有各項契紙俱令呈繳其有分關
總契尙須執業不便存官者亦經稟請官爲批明發還並於檔內
註明立案其有實係苗變時焚燬遺失者均令該約總里頭查明

出具切結並令該戶開單具稟存案嗣後如有檢出原契者仍應隨時補繳倘敢混行執契認業定予重究

一、本城及上下五崗沿邊裡圍運道各路現共建碉五百四十六座、卡一百零二座、哨臺九十九座、關門十九座、又擬補修哨臺五十座、各營本汛官兵派駐外將來撤防之後計需派駐勇丁五千名、方敷分守此項勇丁卽於現在鄉勇及各壯丁內詳加挑選務在十八歲以上三十歲以下心細膽壯技嫻力健者方准充當、一、沿邊碉樓哨臺內派駐勇丁爲數不多卽各卡內所駐亦不過數十名僅能自守並鄰近各碉卡有事聞聲應援勢難遠離今另於舊有鄉勇內挑選精銳一千名作爲備戰勇丁以五百駐劄上

五崗適中之新場堡交廳標外委管帶以五百名駐下五崗緊要
之同全坡交廳標把總管帶勤加訓練上五崗地方有事新場堡
之勇丁馳往應援下五崗地方有事同全卡之勇丁馳往應援倘
有苗匪闖入各該勇丁等跟蹤分擊分佈搜山凡沿邊各處情形
緊急之時本處兵勇不敷堵禦廳員卽將備戰勇丁隨時調往接
應如有積惡苗寨必須懲辦者亦卽帶往鴻勦此項勇丁訓練堵
禦業已數年於邊地路逕苗情均極穩熟必能得力但專爲防護
苗疆而設且俱係本地及麻瀘永保民人屯田自衛不惟非兵丁
可比並非屯兵堡卒可比如遇遠處出兵不便調動

一、每勇丁十名內點放小旗一名五十名內點放督陣一名大旗

一名行營一名一百五十名內點放總行營一名畀以責成而資
管束共守邊備戰勇丁六千名內總行營四十名行營大旗督陣
各一百二十名小旗六百名勇丁五千名該行營大小旗及散丁
等如有勤能奮勇者遇有缺出准其遞相拔補以示獎勵倘怠惰
誤公卽行斥革

一苗疆田地向來只言田種斗石若干不知頃畝之數今逐一用
漕尺步弓丈量計籽種一斗約折實田一畝五分勇丁五千名每
一名給種三斗折田四畝五分共給種一千五百石折田二萬二
千五百畝小旗六百名每名給種三斗五升折田五畝二分五釐
共給種二百一十石折田三千一百五十畝大旗督陣各一百二

十名每名給種四斗折田六畝共給種九十六石折田一千四百四十畝行營一百二十名每名給種四斗五升折田六畝七分五釐共給種五十四石折田八百一十畝總行營四十名每名給種五斗折田七畝五分共給種二十石折田三百畝共計需田種一千八百八十石折田二萬八千二百畝

一、勇丁等應分之田自應將附近各碉卡哨臺者撥給承種但碉卡哨臺多而地窄附近之田其勢不敷分給只可於後路酌量撥補其田距邊較遠勇丁不便往種聽其或佃給貧民或自令子弟親赴後路代耕皆從其便惟需嚴查不得任意私行得價典當如有此等弊端查出除將勇丁革究並將該管之總散行營大小旗

重處外仍追價充公並將混行當受田地之人責處追還租息其
田地逼近苗寨者著各該苗弁具保佃給苗人承種稻穀民苗各
半分租雜糧民三苗七分租至勇丁或有不願充當者亦准其呈
明退役另行驗充如有私行頂缺者查明一併重究

一、給各碉卡哨臺之田俱係整段撥給該勇丁等應如何分種之
處令各總散行營大小旗會同各處約總里頭等秉公劃分稟報
備案

一、附近碉卡之山地酌量撥給該勇丁等公同種植雜糧蔬菜添
補丁眷口食並作牧放埋葬之用

一、各該勇丁秉末荷戈終年勤苦其一秋所獲以資全歲之糧但

該勇丁等賢愚不一、恐有不知節儉者、稍有蓋藏、卽賤糶濫用、迨至青黃不接、遂有枵腹之虞、應將所收稻穀、每名提出十石、存貯公倉、交該總行營管理、每日給穀二升、按旬支收、以資口食、計全歲需穀七石二斗、尙餘二石八斗、查各該處碉卡房屋俱係廳員建修、該丁之牛具籽種器械皆係廳員製備發給、授田之後、所有碉卡哨臺牆濠房屋械具、遇有損壞、卽令該勇丁修整、牛隻倒斃亦令該丁等公同買補、應需之費、卽於該丁口糧餘剩穀石內動用、該總營按月據實報銷、如有多餘、以備下年盈絀相牽、免致掣肘、其各丁應交穀石、如遇旱潦、不能繳足、准其以雜糧抵交、

一、各勇丁每名分田四畝五分、苗疆山田瘠薄、僅種穀稻、所收無